

陋巷志

利



陋巷志卷之三

世家志下



宗子世表

二代歆

字子林魯大夫葬顏子墓東十餘步生子
儉元泰定三年從祀

三代儉

魯大夫生子威泰定三年從祀

四代威

魯下大夫生子芄

五代芄

魯下大夫生子億

六代億

魯下大夫生子帖

七代帖

魯下大夫生子卸

八代卸

字伯袖秦大夫生子譽

九代譽

舍人生子產

十代產

項羽聞其名聘之不受生子異

十一代異

字世仁漢大夫生子愚

十二代愚

漢卿士生子達

十三代達

漢大夫生子穉

十四代穉

一作肆字季達漢武帝時尚書郎會稽都尉書傳作駟生子衷

十五代衷

一作忠郡工曹從事鞏令生子凱

十六代凱

字季卿張禹薦于朝為安成太守生子

十七代邃

字景深郡上計吏生子侖

十八代侖

字茂宗州舉茂才生子綽

十九代綽

字參道為太守生子準

二十代準

始仕為從事復高尚不仕生子阮

二十一代阮

字懷珙舉有道為著作郎生子亮

二十二代亮

字世明為郡督郵見冀州刺史王統碑生子敷

二十三代敷

字士榮州舉茂才至御史大夫二子

二十四代斐

尹京兆有善政二子魯歡無後而盛

盛

字叔臺一字叔震漢尚書郎魏歷青徐二州刺史關內侯有傳生子欽

二十五代欽

字公若歷東中郎將司馬太中大夫東莞廣陵太守有傳子默

二十六代默

字靜伯汝陰太守護軍將軍給事中襲葛繹縣子三子畿輦舍長次無後

二十七代含

字弘都晉光祿大夫有傳子髦

二十八代髦

字君道晉侍中光祿勳有傳子緝

二十九代緝

字文和州西散騎都尉西平縣侯子靖之

三十代靖之

字茂宗西中郎行參軍宣城太守司徒諮議御史中丞子騰之

三十一代騰之

字弘道善草隸書有風格歷州西曹主簿度支校尉治書御史巴陵太守五子興之炳之

三十二代興之

字叔豹以能書稱歷安寧太守子登炳之

炳之

字叔豹以能書稱歷安寧太守子登炳之

朝請員外散騎常侍子見遠

三十三代登

字康之梁鄱陽王府郎中令無後而炳之子見遠為宗

見遠

字見遠歷安城王侍郎征西參軍治書御史無中丞有傳子協

三十四代協

字子和湘東王右常侍領西記室有傳四子之儀之推

三十五代之儀

字子升周麟趾學士御史大夫平陽縣公有傳二子冠昶無後之推

為宗

之推

字子介隋太子文學有傳子思魯

三十六代思魯

字孔歸唐儀同秦府記室有傳子師古

三十七代師古

唐秘書監銀青光祿大夫弘文崇文西館大學士有傳子趨庭

三十八代趨庭

字茂實文皇帝挽郎朝散大夫職方郎吉州刺史子尚賓

三十九代尚賓

右率府親衛鄜州司功監州錄事下邳令子昂

四十代昂

子迢

四十一代迢

子傳贄

四十二代傳贄

子旻

四十三代旻

五子長君則無後次君佐君雅

四十四代君佐

金鄉丞子文威

君雅

二子文蘊文鐸

四十五代文威

五代隱魯之嶧山號虛中先生文集傳於世子承祐

文蘊

貢

進士

文鐸

贈太常卿平原郡節度副使李闡撰神道碑子衍

四十六代承祐

二子長崇德無後次仲昌

涉

鄉貢進士四子匡朗匡密匡羨匡贊

俱無

衍

字祖德戶部尚書有傳子榿

四十七代仲昌

淳化二年講五經賜第仕終南京判官以曾孫岐任執政贈太子少

保子

榿

父任為巡官子端

四十八代太初

字醇之南京國子監說書有傳子復

端

祥符元年帝行幸曲阜以

交國公後特授郊社齋郎終桂陽司理子繼

四十九代復

字長道國子祭酒有傳六子曉岐輪蝶岵嶠岐為執政自曉以下子孫南

徙不知其傳而端之子繼為宗

繼

進士世居陋巷故宅子昌

五十代昌 子擎

五十一代擎 子价

五十二代价 子順

五十三代順 子寶

五十四代寶 子椿

五十五代椿 中書工部筭付監修祖廟提領子之美

五十六代之美 字宗德天成縣教諭益都學正廬州路教授歷山陽縣主簿文林郎

東明縣尹子池

五十七代池 字德裕宣德府教授三氏學教授主奉祀事子拳

五十八代拳 字克膺主奉祀事子希仁

五十九代希仁 字士元號景哲正統十一年欽定主奉祀事子議

希惠 景泰二年行取復聖公子孫特授翰林院五經博士後以不係嫡派奉

旨黜罷仍以希仁之後為宗

六十代議 字定伯希仁長子因宗嫡紊亂辨正仍授翰林院五經博士俾世襲主奉祀事

成化元年賜第於京入覲馳驛定為常例子公鉉

六十一代公鉉 字宗器議長子襲翰林院五經博士主奉祀事子重德

六十二代重德 字尚本號西莊公鉉長子襲翰林院五經博士主奉祀事子從祖

六十三代從祖 字守嗣重德長子襲翰林院五經博士主奉祀事無後而重禮子肇

先為宗

肇先

字啓源號克復重禮長子以次嫡承祀於嘉靖四十四年襲翰林院五經博士主奉祀事

子嗣慎

六十四代嗣慎

字用修號敬亭襲翰林院五經博士主奉祀事子三胤宗胤祚胤祿

六十五代胤宗

字永伯庶號養蒙未襲卒子二伯貞

胤祚

字永錫號新吾以兄宗蚤卒代襲翰林院五經博士主奉祀事及兄子伯貞長讓職致仕

六十六代伯貞

字叔節號建中胤宗長子襲翰林院五經博士主奉祀事

論曰嗚呼運會推移陵谷遷改即皇王之胤或夷

為編氓名謚無稽而復聖之裔迄今二千餘禩源

源悠遠濟美流光固皆歷代所恤錄要亦雲仍之

繁衍稱神明胄矣我

列聖崇儒重道念及宗裔授以清華之品崇以主鬯

之儀組綬蟬聯與孔氏比隆道德之覆庇者無窮

矣凡厥子孫當飲芳泉知源哉

支子世表

二十六代閔

一作敏字叔明欽季子散騎常侍

二十八代謙

字子讓舍次約舍季子零陵太守

二十九代綸

字子安城太守

三十代暢

字子翬第五子熙散騎顯約次

三十一代顯

字子翬第五子熙散騎顯約次

三十二代顯

字子翬第五子熙散騎顯約次

軍司

以上晉

三十代秉之

字敬宗 緝次子

邵之

暢子 領軍司 根字

熙熙長子 治書

實

字道安 熙次子 御史大夫 永安太守

系之

顯長子 益州刺

史延之

字延年 顯次子 金紫光祿大夫 散騎 坦之

顯李 子東陽太守

三十一代遵之

靖之次子 散騎常侍

恭之

靖之季子 司簿

希之

秉之次子 新安太守

師伯

字長淵 左右僕射

師仲

中書侍郎

僧超

徐州刺史 徽之

散騎常侍

竣

字子遜 延之長子 丹陽尹 吏部

測

延之次子 臨淮太守

夔

延之第三子 兵部尚書

躍

延之第四子 東湘

三十二代幹

師仲子 襲父爵

三十三代宣仁

炳之次子 巴陵王 參軍

幼明

駕部郎中 征虜 記室 註靈棋經

翻

楚次子 廣州刺史

積

中書郎

三十四代挺

山陽太守

誓

交州刺史

以上南北朝

三十五代之善

協第四子 葉縣令

三十六代昶

之儀次子 寧仁令

愍楚

之推次子 典內史 省

游秦

典校 秘閣

有願隋

之善長子 汝南侯 侍讀

以上隋

三十七代相時

字睿思 魯次子也 天策府 學士 禮部侍郎 有傳

勤禮

字敬 之思

魯季子 朝散大夫 校書郎 有傳

育德

一作敏德 思魯第四子也 太 子 通事 舍人 司經 校定 書史

利仁

郎秘書

有意

刺史

博古

延陵丞

三十八代揚庭

符璽郎蔣王侍讀太子通事舍人

光庭

職方郎涉

漢欣期

郎著作

益期

學士昭甫

字周卿

勤禮

長子敬

仲

勤禮次子吏部郎中平昌撰神道碑

康成

育德長子永徽

科太子舍人

強學

制舉校書郎

希莊

育德季子

光祿大夫

中和

刺史

日損

太基丞

三十九代隱朝

進士拔萃

匡朝

胸山

元叔

校書志

正

下邳

志恭

右衛

志廉

右衛

志謙

贊善

志宣

殿中

史景靈

校書郎

元孫

字聿修昭甫長子朝散大惟貞

字叔堅昭甫次子太子

會宗

襄陽

孝友

楚州

澄

翊潤

涪城

恭敏

希莊第七子

明

知微

希莊第九子

大智

并州錄事參軍

隣幾

校書郎

四十代晃

有清節饒

允濟

好屬文

挺

萬年

廣成

春卿

元孫長子以明經擢

杲卿

字昕元孫次子為

傳曜卿

元孫第三子工詩善草隸年十六詞學直

旭卿

元孫第四子美姿

茂曾

元孫第五子訥言敏

馬闕疑

惟貞長子孝友仁讓專

允南

字去惑惟貞

議大夫金鄉

喬卿

惟貞第三子仁友精

真長

惟貞

縣男有傳

晉史有吏才富平尉

第四

魯郡侯建炎扈蹕南徙

五十五代敬 寶第四子中書工部荀付監修提頌

五十六代之克 昇次子東 之才 樁子衛 以上宋

五十七代潏 之 陽縣教諭 瑜 字德潤陽曲 以上元

聞達列傳

魏關內侯盛 字叔基父敷桓帝時為御史大夫兄

二州刺史關內侯始自魯國徙居瑯琊臨沂代傳
孝恭因號其居為孝弟里葬臨沂縣西七里今屬
費縣宋元祐七年詔禁樵採

晉太中大夫欽 字公若盛之子也明詩禮易尚書

大夫東莞廣陵太守給事中引直禁省封葛繹縣

光祿大夫含 字弘都欽之孫也少有操行以孝弟

參軍過江以為上虞令轉王國郎中丞相東閣祭

酒出為東陽太守東宮初建含以儒素篤行補太

子中庶子黃門侍郎歷散騎常侍大司農豫討蘇

竣功封西平縣侯拜侍中尋除國子祭酒加散騎

常侍遷光祿勳以年老遜位成帝美其素行就加

右光祿大夫施行馬賜牀帳被褥勅太官四時致

膳固辭不受于時論者以王導帝之師傅名位隆
重百僚宜為降禮太常馮懷以問於含含曰王公
雖重禮無偏敬降禮之言或是諸君事宜鄙人老
矣不識時務既而告人曰吾聞伐國不問仁人向
馮祖思問佞於我我其有邪德乎郭璞嘗遇含欲
為之筮含曰自有性命無勞著龜桓温求婚於含
含以其盛滿不許惟與鄧攸深交或問江左羣士
優劣答曰周伯仁之正鄧伯道之清卞望之之節

餘則吾不知也其雅重行實抑絕浮偽如此致仕
二十餘年年九十三卒遺命素棺薄歛謚曰靖三
子髦謙約

黃門侍郎髦

字君道少纂家業惇於學行父喪在
殯隣家失火髦與弟謙約抱棺呼號

嫫炤頓止時人以爲孝感所致儀狀嚴整風貌端
美桓公見而嘆曰顏侍中廊廟之望也歷太尉西

陽王散騎將軍尚書都官郎中國太中正給事黃
門侍郎父老不就襲爵西平縣侯加給事中晉陵

臨川太守侍中本州大中正加秩中二千石光祿
勳三子緜綸暢

宋光祿大夫延之

字延年含之曾孫也延之少孤
貧居負郭室甚甚陋好讀書無

所不覽文章之美冠絕當時飲酒不護細行年三
十猶未婚劉穆之與延之通家又聞其美將仕之

先欲相見延之不往高祖受命補太子舍人時鴈
門人周續之隱居廬山儒學著稱永初中徵請京

師高祖幸其館朝彥畢至延之官列猶卑引升上
席上使問續之三義續之雅仗辭辯延之每折以

簡要既連控續之上又使還自敷釋言約理暢莫
不稱善徙尚書儀曹郎太子中舍人時尚書令傅

亮自以文義之美一時莫及延之負其才辭不爲
之下亮甚疾焉廬陵王義真頗好辭義待接甚厚

徐羨之等疑延之爲同異意甚不悅出爲始安太
守元嘉三年羨之等誅徵爲中書侍郎尋轉太子

中庶子領步兵校尉賞遇甚厚延之好酒踈誕不
能斟酌當世見劉湛殷景仁專當要任意有不平

常云天下之務當與天下共之豈一人之智所能
獨了辭甚激揚每犯權要屏居里巷不豫人間者

七載劉湛誅起爲御史中丞歷國子祭酒司徒左
長史秘書監光祿勳太常時沙門釋慧琳以才學

爲太祖所賞愛每召見常升獨榻延之甚疾焉因
辭白上曰昔同子參乘袁絲正色此三台之坐豈

可使刑餘居之上變色延之性既褊激兼有酒過
肆意直言曾無過隱居身清約不營財利布衣蔬

食獨酌郊野當其為適傍若無人世祖登昨以為
 金紫光祿大夫子竣既貴重權傾一朝凡所資供
 延之一無所受器服不改宅宇如舊常乘羸牛木
 車逢竣鹵薄即屏住道側語竣曰平生不喜見要
 人今不幸見汝竣起宅謂曰善為之無令後人笑
 汝拙也孝建三年卒時年七十三追贈散騎常侍
 謚曰憲子延之與陳郡謝靈運俱以詞彩齊名自
 潘岳陸機之後文士莫及也江左稱顏謝馬所著
 並傳于世

吏部尚書竣

字士遜延之子也初為太學博士太
 子舍人出為世祖撫軍王簿甚被愛

遇竣亦盡心補益元嘉二十八年虜自彭城北歸
 復求互市竣議曰愚以為與虜和親無益已然之
 明效夷狄不求侵暴正苦力之不足耳未嘗拘制
 信義用輟其謀議者不過言互市之利在得馬今
 棄此所重得彼下駟千匹以上尚不足言况所得
 之數裁不十百耶雖云互市實覘國情多贍其求

則桀傲罔已通而為節則必生邊虞不如內修德
 化外經邊事於事為長世祖鎮尋陽遷南中郎記
 室叅軍三十年春以父延之致仕固求解職不許
 賜假未發而太祖崩問至世祖舉兵入討轉諮議
 叅軍領錄事任總外內并造檄書世祖發尋陽便
 有疾自沈慶之以下並不堪相見惟竣出入卧內
 斷決軍機世祖踐阼以為侍中俄遷左衛將軍封
 建城侯孝建元年轉吏部尚書領驍騎將軍留心
 選舉任遇既隆奏無不可其後謝莊代竣領選意
 多不行竣容貌嚴毅風姿甚美賓客誼譁常歡笑
 答之時人語曰顏竣嗔而與人官謝莊笑而不與
 人官尋兼領軍丹陽尹加散騎常侍竣自謂才足
 幹時恩舊莫比當贊務居中永執朝政而所陳多
 不被納疑上欲疏之乃求外出以占時旨大明元
 年以為東陽州刺史

南齊御史見遠

舍七世孫為齊御史治書正色立
 朝有當官之稱及梁武帝執政乃

以疾辭齊和帝暴崩見遠慟哭而絕梁武帝恨之謂朝臣曰我自應天從人何預天下人事而願見遠乃至於此當世嘉其忠烈咸稱歎之

梁 記室參軍協

字子利見遠子也博涉羣書工於草隸飛白以見遠蹈義忤時遂不仕進梁元帝為湘東王引協為記室參軍撰晉仙傳五篇日月災異圖二卷文集二十卷梁元帝後著懷舊志及詩稱贊其美

周 御正中大夫之儀

字子升協之長子也之儀幼涉羣書好為詞賦嘗獻神州頌辭致雅贍梁元帝手勅褒之江陵平隨遷長安周高祖初建儲宮盛選師傅以之儀為侍郎即拜小宮尹封平陽縣男宣帝即位遷上儀同大將軍御正中大夫進爵為公帝後刑政乖僻昏縱日甚之儀犯顏驟諫雖不見納終亦不止深為帝所忌然以恩舊每優容之

宣帝崩劉昉鄭譯等矯遺詔以隋文帝為丞相輔少主之儀知非帝旨拒而弗從昉等草詔署記逼之儀連署之儀厲聲謂昉等曰主上升遐嗣子冲幼阿衡之任宜在宗英方今賢戚之內趙王最長以親以德合膺重寄公等備受朝恩當思盡忠報國柰何一旦欲以神器假人之儀有死而已不能誣罔先帝於是昉等知不可屈乃代之儀署而行自有王者宰相何故索之於是隋文帝大怒命引出將戮之然以其民之望也乃止開皇五年拜集州刺史在州清靜夷夏悅之明年代還遂優游不仕之儀隨列入朝隋文帝望而識之命引至御座謂之曰見危授命臨大節而不可奪古人所難何以加卿卒年六十九有文集十卷行於世

北齊 黃門侍郎之推

字子介協之第三子也世善周官左氏之推早傳家業年十二值湘東王繹自講莊老便預門徒虛談非其所好還習禮傳博覽羣書無不該洽詞情典麗甚

為西府所稱繹以為常侍參軍好飲酒多任縱不
 修邊幅時論以此少之梁元帝立以為散騎侍郎
 後為周軍所破值河水暴長具船將妻子奔齊顯
 祖見而悅之即除奉朝請引於內館中侍從左右
 尋遷通直散騎常侍俄領中書舍人之推聰穎機
 悟有才辯工尺牘應對閑明兼善於文字監校繕
 寫處事勤敏號為稱職帝甚加恩接顧遇逾厚為
 勲要者所嫉常欲害之尋除黃門侍郎齊亡入周
 為御史上士隋開皇中召為學士甚見禮重尋以
 疾終有文三十卷撰家訓二十篇並行於世曾著
 觀我生賦文致清遠之推在齊有二子長曰思魯

陳散騎常侍晃

字元明少孤貧好學有辭采解褐

奔荆州承聖初除中書侍郎時杜龕為吳興太守
 專好勇力其所部多輕險少年元帝患之乃使晃
 管其書翰仍勅龕曰卿年時尚少習讀未晚顏晃
 文學之士使相叱左造次之間必宜諮稟及龕誅

晃歸陳為記室參軍永定二年高祖幸大莊嚴寺
 其夜甘露降晃獻甘露頌詞義該典高祖甚奇之
 天嘉初遷員外散騎常侍兼中書舍人掌詔詔三
 年卒詔贈司農卿謚曰貞子并賜墓地晃家世單
 門傍無戚授而介然修立為當世所知其表奏詔
 誥下筆立成便得事理而雅有氣質書集三十卷

唐記室參軍思魯

字孔歸之推子也博學善屬文

校書郎唐武德初拜秦王府記室參軍四子師古
 相時勤禮育德皆歷顯官知名於時

鄆州刺史遊秦

思魯弟也武德初累遷廉州刺史

以強暴寡禮風俗未安遊秦撫卹境內敬讓大行
 高祖壘書勞勉之俄拜鄆州卒於官

弘文館學士籀

字師古思魯長子也其先本居琅

滅始居關中師古少傳家業博覽羣書尤精訓詁
 善屬文隋仁壽中授安陽尉楊素見師古年弱貌

羸因謂曰安陽劇縣何以克當師古曰割雞馬用
牛刀素奇其對到官果以幹理聞尋坐事免歸長
安十年不得調家貧以教授為業及高祖起義師
古從父至長春宮謁見授朝散大夫從平京城拜
燧煌公府文學再遷中書舍人專掌機密手時軍
國多務凡有制誥皆成其手師古達於政理冊奏
之工時無及者太宗踐祚擢拜中書侍郎封琅邪
縣男後坐事免太宗以經籍去聖久遠令師古於
秘書省考定五經師古多所釐正諸儒重加詳議
莫不嘆服頒行天下令學者誦習尋拜秘書少監
奉詔撰定五禮禮成進爵為子復命註班固漢書
解釋詳明深為學者所重有詔編之秘閣俄遷秘
書監弘文館學士十九年從駕東巡道病卒年六
十五謚曰戴有集六十卷其所註漢書及急就章
大行於世

禮部侍郎相時

思魯次子也亦有學業武德中與
房玄齡等為秦府學士貞觀中累

遷諫議大夫拾遺補闕有諍臣之風尋轉禮部侍
郎相時羸瘠多疾病太宗常使賜以醫藥性仁友
及師古卒不勝哀慕而卒

虢州刺史勤禮

思魯第三子也字敬之幼而朗悟
識量宏遠工於篆籀尤精誥訓太

宗平京城授朝散大夫校書郎後為夔州都府長
史加上護軍賜虢州刺史太宗嘗命蕭鈞贊其行
有曰依仁服義懷文守一履道自居下帷終日德
彰素里行成蘭室鶴鑰馳稱龍樓委質當代榮之

汝南太守昭甫

字周卿勤禮長子也少聰穎尤工
篆隸草書與內弟殷仲容齊名而

勁力過之特為伯父師古所賞凡所註釋必令參
定焉歷汝南太守曹王晉王侍讀時獻玉鼎篆書
二十餘字舉朝莫能識昭甫能盡讀之至德三載
贈華州刺史

豪州刺史元孫

字聿修昭甫長子也少孤養於舅
氏殷仲容家聰銳絕倫年十歲李

逸聞其少俊請與相見座中試安石榴賦援翰立
 就不加點竄李逸大驚嗣聖元年舉進士素未習
 尚書六日兼註畢究省試銘賦二道既麗且新名
 動天下解褐彭城簿歷登封長安二尉洛陽丞著
 作佐郎太子舍人時玄宗監國獨掌令誥當時以
 為綸言之最玄宗嘗出諸家書跡數十卷令定其
 真偽元孫分別以進玄宗大悅因賜牋藤筆墨衣
 服等物嘗和遊苑詩御札八分批答曰孔門稱哲
 宋室聞賢翰墨玄捷莫之與先出為潤州長史遷
 滁沂二州刺史終朝散大夫豪州刺史上柱國五
 子春卿杲卿曜卿旭卿茂曾文集三十卷干祿字
 書一卷並行于世

太子文學惟貞

字叔堅昭甫次子也少孤育舅氏
 殷仲容家蒙教筆法貧無紙以黃

土掃壁木石畫而習之故以草隸擅名天授元年
 判入高第授衢州叅軍温縣永昌二尉遂代兄為
 長安尉遷太子文學拜薛王友加勳上柱國七子
 闕疑允南喬卿真長幼輿真卿允臧累贈秘書少

監國子祭酒太子少保

偃師丞春卿

元孫長子也個儻通當世務十六舉
 明經調犀浦主簿嘗送徒於州亡其

籍至廷口記物色凡千人無所差長史陸象先異
 之轉蜀尉蘇頲代為長史被譖繫獄為櫻欄賦自
 託頲遽出之魏徵遠孫瞻罪抵死春卿為請王真
 公主得不死時人高其節終偃師丞

常山太守杲卿

字昕與元孫次子也以廕授官性
 剛直有吏幹開元中為魏州錄事

叅軍振舉綱目政稱第一尋攝常山太守時安祿
 山為河北河東採訪使常山在其部內祿山既陷
 東都杲卿忠誠感發懼賊遂寇潼關即危宗社時
 從弟真卿為平原太守初聞祿山逆謀陰養死士
 招懷豪右為拒賊之計至是遣使告杲卿相與起
 義兵犄角斷賊歸路以紓西寇之勢杲卿乃與長
 史袁履謙等謀開土門以背祿山禽斬其將蔣欽
 奏等三人送於京師乃檄告河北郡縣倡義討賊

郡縣聞之皆殺賊守將遠近響應常山平原二郡
 兵威大振祿山聞河北有變命史思明渡河攻常
 山郡城中兵少眾寡不敵城陷杲卿為賊所執送
 於東都祿山見杲卿面責之曰汝昨自范陽戶曹
 我奏署官便攝常山太守負汝何事而背我耶杲
 卿瞋目報曰我世為唐臣當守忠義縱受汝奏署
 復合從汝反乎且汝本幽州一牧羊羯奴耳叨竊
 恩寵致身及此天子負汝何事而汝反耶祿山怒
 甚令節解之比至氣絕大罵不息乾元中詔贈太
 子太保謚曰忠貞年六十五子三泉明威明季明

正議大夫允南
 字去惑惟貞次子也孝弟聰睿工
 詩判家嘗有折脛鶴真卿少年
 時戲書其背即切責曰此雖不能奮飛豈不惜其
 羽毛奚不仁之甚耶其惻隱如此開元間以挽郎
 入高第授鷄觚尉累官吏部侍郎殿中侍御史兄
 弟三人同時臺省時人羨焉以忤楊國忠貶襄陽
 丞尋歷司封司膳郎中國子司業累加正議大夫
 上柱國金鄉縣男

太子太師真卿

字清臣惟貞第六子也少勤學業
 有詞藻尤工書法開元中舉進士

登甲科事親以孝聞為監察御史五原有冤獄久
 不決真卿至立辯之天方旱獄決乃雨郡人呼之
 為御史雨楊國忠怒其不附已出為平原太守安
 祿山逆節頗著真卿以霖雨為託修城浚池陰料
 丁壯儲廩實乃陽會文士泛舟外池飲酒賦詩或
 讒於祿山祿山已密偵之以為書生不足虞也無
 幾祿山果反河朔盡陷獨平原城守具備乃使參
 軍李平馳奏玄宗初聞祿山之變歎曰河北二十
 四郡豈無一忠臣乎得平來大喜顧左右曰朕不
 識顏真卿形狀何如所為乃如此祿山既陷洛陽
 遣其將蔣欽湊高邈何千年等守土門為常山太
 守杲卿所禽土門既開十七郡同日歸順共推真
 卿為帥得兵二十餘萬橫絕燕趙乃遣將進兵於
 清河合勢屯於博平與賊戰大勝斬首萬餘級肅
 宗幸靈武授工部尚書兼御史大夫河北採訪招
 討使祿山乘虛遣史思明尹子奇急攻河北諸郡

相次陷獨平原博平清河三郡城守然人心危盪不可復振乃棄郡渡河歷江淮荆襄朝於鳳翔授憲部尚書尋加御史大夫洎鑿與將復宮闕遣使陳告宗廟有司署祝文稱嗣皇帝真卿謂禮儀使崔器曰上皇在蜀可乎器遽奏改之中旨宣勞以為名儒深達禮體軍國之事知無不言為宰相所忌出為同州刺史浙江西道節度使徵為刑部尚書李輔國矯詔遷玄宗居西宮真卿乃首率百寮上表請問起居輔國惡之奏貶蓬州長史代宗嗣位拜利州刺史除尚書左丞車駕自陝將還真卿請皇帝先謁五陵九廟而後還宮宰相元載謂真卿曰公所見雖美其如不合事宜何真卿怒答曰用舍在相公耳言者何罪然朝廷之事豈堪相公再破除耶載深銜之旋改檢校刑部尚書知省事累進封魯公時元載引用私黨懼朝臣論奏其短乃請百官凡欲論事皆先白長官白宰相然後上聞真卿上疏爭之辭甚激切中人爭寫內本布於外後為元載所陷貶陝州別駕撫州湖州刺史元

載伏誅拜刑部尚書又為楊炎盧杞所忌改太子太師會李希烈陷汝州杞乃奏曰顏真卿四方所信使諭之可不勞師旅上從之朝廷失色初見希烈欲宣詔旨希烈養子千餘人露刀爭前迫真卿將食其肉諸將叢遶慢罵舉刀以擬之真卿不動希烈遽以身蔽之而麾其眾眾退乃揖真卿就館舍希烈大宴逆黨召真卿坐使觀倡優斥黷朝政為戲真卿怒曰相公人臣也柰何使此曹如是乎拂衣而起希烈慙亦喝止時朱滔王武俊田悅李納使在坐目真卿謂希烈曰聞太師名德久矣相公欲建大號而太師至非天命正位欲求宰相孰先太師乎真卿正色叱之曰是何宰相耶君等聞顏杲卿否是吾兄也祿山反首舉義兵及被害詬罵不絕於口吾今年向八十官至太師守吾兄之節死而後已豈受汝輩誘脅耶諸賊不敢復出口希烈既陷汴州僭偽號使人問儀於真卿真卿曰老夫耄矣曾掌國禮所記者諸侯朝覲禮耳興元元年乃使闍奴與景臻等殺真卿先曰有勅真卿

拜奴曰宜賜卿死真卿曰老臣無狀罪當死然不知使人何日從長安來奴曰從大梁來真卿罵曰乃逆賊耳何勅耶遂縊殺之及淮泗平陳仙奇使護送真卿喪歸京師德宗痛悼異常謚曰文忠詔贈司徒公在吉州有廬陵集十卷刺撫州有臨川集十卷刺湖州有吳興集十卷韻海鏡源三百六十卷為禮儀使有禮儀集十卷並逸不傳文集十五卷見行于世至元三年于費縣東魯公祠創立書院設山長一員

太子中允允臧

字季魯惟貞第七子也歷太康尉

才名出為樂陽令時錄事有奸犯者允臧立榜殺之豪強惴恐遷侍御史兼太子中允累官至朝請大夫上柱國

五代工部尚書衍

字祖德少苦學治左氏春秋梁龍德中擢第解褐授北海主簿

以治行聞歷臨濟鄒平令天平觀察推官房知溫鎮青州辟置幕下知溫險復厚歛多不法衍每極言之不避其患晉祖入洛知溫恃兵力偃蹇衍勸其入貢知溫諸子不慧衍勸令以家財十餘萬上進晉祖嘉之歸功於衍拜殿中使俄遷都官員外郎充河陽三城節度副使居半歲得家問父在青州有風痺疾衍不奏棄官去侍疾不復有仕宦意歲餘父疾不能起衍親自掬矢未嘗少倦晉祖聞之召為工部郎中樞密直學士連使促召至闕踰年上表請還侍養授青州行營司馬丁父憂哀毀甚俄召為駕部郎中鹽鐵判官以母老懇辭有詔止守本官未幾復出為天平軍節度副使開運末授左諫議大夫權判河南府召拜御史中丞喪亂之後朝綱不振衍執憲頗有風采復抗表求侍養詔書褒許即與其母東歸周廣順初起為尚書右丞俄充端明殿學士太祖征兗州以衍權知州事歸朝權知開封顯德初上表求解官授工部尚書放還鄉里卒年七十四

宋國子監說書太初

字醇之少博學有雋才慷慨

宣公孔聖祐卒無子除襲封且十年太初致書參

知政事蔡齊齊為言於上遂以聖祐弟襲封山東

人范諷石延年劉潛之徒喜豪放劇飲不循禮法

後進多慕之太初作東州逸黨詩孔道輔深器之

太初中進士嘗為臨晉主簿前此有太常博士宋

武通判同州與守爭事恚死守憾之拮構其子以

罪戾狂亦死父子寓骨僧舍時守方貴顯無敢為

直寃太初因事至同州葬武父子蘇順欽表其事

于墓左後移應天府戶曹參軍南京國子監說書

卒所居在鳧繹兩山之間號鳧繹處士有集十卷

天章閣待制復字長道太初長子嘉祐中詔郡國

書者二十有一人考官歐陽修奏復第一賜進士

為校書郎知永寧熙寧中為國子直講元祐初召

為太常博士建言士民禮制不立下無矜式請令

禮官會萃古今典範為五禮書又請攷正祀典凡

識緯典學汚條陋制道流醜謝術家厭勝之法一

切芟去俾大小羣祀盡合聖人之經為後世法遷

禮部員外郎孔宗翰請遵奉孔子祠復因上五議

欲專其祠饗優其田祿蠲其廟幹司其法則訓其

元陽曲教諭瑜

字德閏以行誼用舉者為鄒及陽

山東瑜携家走鄆城道遇賊以刃來脅曰爾何人

瑜曰我東魯書生也賊執瑜曰爾書生吾不爾殺

可從我見主帥瑜罵曰爾賊何主帥耶賊怒欲殺

瑜瑜無懼色復使之寫旗瑜大詬曰爾大元百姓

五十萬

國子監祭酒未踰年以疾改天章閣待制卒年五

十七王巖叟等言復學行超特宜加優賻詔賜錢

餘五百七十二

陋巷志 卷之三 子皆為所害

國朝孝子嗣振

青城教諭從舜子也篤實好學垂髫受廩餼天性孝友父歿廬墓封土哭奠貧不能日給一粥枵腹毀形三年如一日鄉評甚重之屢經旌獎

晉烈女文姜

復聖裔之女也幼許聘青州李氏未醮夫亡憫翁姑夫養往事焉嘗遠汲新泉以奉姑嗜誠感神明泉湧室內潛以績籠覆之家人伺其出而戮其籠泉湧成河故名籠水河一名孝女河事見述征記并靈泉廟碑

國朝烈婦賈氏

六十三代孫從道妻也家貧寄居滋陽縣艱事舅姑人以孝婦稱年二十七夫疾危號天乞代知不可愈遂矢志同逝及夫歿命工斲棺開大期必合歛家人覺之嚴為防護至夜潛以衣帶自縊遂合棺而葬闔邑嘆異萬曆十六年題奏旌表立坊于墓

論曰復聖子孫可謂繁衍矣肇自漢晉迄於宋元

名卿碩彥駢肩接踵忠貞文雅冠冕人流何其盛

也宗支之派既有表述又嘗稽諸簡編采聞達兼

備者綜其制行並列而為之傳至有孝子貞姬

時褒錄亦附載以後馬六十餘葉後先輝映承藉

不乏非明德之後能然哉而近代以來才賢寥落

通顯無聞又何氣運之否塞也抑宴安是習而罔

知淬礪乎此豈惟愧前修抑亦負

朝廷崇獎之恩矣於乎可不念哉

陋巷志 卷之三 百七

陋巷志卷之三終

陋巷志卷之四

恩典志

叙曰孔子紹二帝三王之統以詔萬世而復聖實
羽翼之是二帝三王之道衍之復聖也豈非萬世
君天下者所宜尊禮哉自春秋以降歷漢至元千
有六百餘歲不爲不久矣而英主誼辟所爲恢崇
褒顯先後相望如一日焉故或廓其祠宇或表其
間里或爵以維五之長或奉以九章之服或錫之
土田以供禴祀或給之丁戶以備洒掃而又重宗

支之爵復子孫之役既可謂有隆無已矣迨我
聖朝稽古建極崇儒重道殊榮渥典超軼在昔乃至
正復聖名號之隆晉宗子清華之秩而朝請之典
辟雍之幸又加隆禮而賓之於乎是不以道統所
在而治之所由出與國有徽章士有表式凡厥哲
裔可無繹思作恩典志

號謚

唐太宗貞觀二年詔尊孔子爲先聖顏子爲先師
高宗總章元年四月乙卯贈顏子太子少師

睿宗太極元年二月十六日贈顏子太子太師

玄宗開元二十七年八月追贈先師爲兗公

追贈顏無繇爲杞伯顏辛爲蕭伯顏高爲琅琊伯

顏噲爲朱虛伯顏之僕爲東武伯

顏何爲開陽伯
顏祖爲臨沂伯

宋真宗大中祥符二年五月進封顏子兗國公

進封杞伯顏無繇爲曲阜侯蕭伯顏辛爲陽穀侯
琅琊伯顏高爲雷澤侯朱虛伯顏噲爲濟陰侯東
武伯顏之僕爲宛甸侯開陽伯顏何爲堂邑侯臨
邑伯顏祖爲富陽侯

度宗咸淳三年正月以顏子配享孔子位在曾參
孔伋孟軻之右

元文宗至順元年七月進封顏子兗國復聖公
順帝元統三年五月三日進封曲阜侯顏無繇杞
國公謚文裕進封杞國夫人謚端獻加封兗國復
聖公夫人謚貞素

祀典

漢高祖十二年東巡狩過魯以太牢祀孔子以顏
子配享

明帝永平十五年東巡至魯幸孔子宅祠及顏子
章帝元和二年幸魯以太牢祀孔子及顏子等作
六代之樂大會孔顏子孫六十餘人

安帝延光三年過魯祀孔子及顏子等

靈帝光和元年始置鴻都門學畫先聖孔子及顏
子像

魏文帝黃初元年二月初講論語通以太牢祀孔
子於辟雍以顏子配享

五年講尚書通太牢祀孔子於辟雍以顏子配享

七年講禮記通太牢祀孔子以顏子配享

齊王正始二年以太牢祀孔子以顏子配享

晉武帝泰始二年詔魯國四時備三牲祀先聖以顏子配享

東晉寧康二年十二月癸巳釋奠於中堂祀孔子以顏子配享

後魏太武帝始光三年二月起太學於城東祀孔子以顏子配享

宋文帝元嘉十九年十二月以太牢祀孔子以顏子配享

後魏太平真君十一年進至魯郡以太牢祀孔子以顏子配享

北齊文宣帝天保元年令魯郡以時修葺坊內立孔顏廟宇遣使致祭又制春秋二仲釋奠於先聖先師

隋制國子寺每歲以四仲月上丁釋奠先聖先師
唐太宗貞觀二年房玄齡朱子奢建言武德中以周公爲先聖孔子配享竊謂周公尼父俱稱聖人

庠序致奠本緣夫子故晉宋梁陳及隋故事皆以孔子爲先聖顏子爲先師歷代所行古今通允伏請停祭周公尊孔子爲先聖以顏子配享

二十年詔皇太子於國子學釋奠先聖先師

高宗乾封元年正月車駕幸泰山至曲阜親幸祠廟以太牢祀先聖先師

玄宗開元十三年十一月封泰山幸魯致祭先聖先師

十八年三月十八日國子司業李元瓘奏言在京國子監宣聖廟堂先師顏子配享今其像立侍准禮授坐不立授立不跪况顏子道亞生知才先入室旣當配享其儀見立請據禮文合從坐侍制曰顏子等十哲宜爲坐像悉令從祀以顏子亞聖親爲製贊書於石

宋太祖建隆三年以太牢祀先師兗國公

真宗祥符元年遣官以太牢祀先聖先師

仁宗嘉祐六年遣兗州通判田詢以太牢致祭文宣王以兗國公配享

高宗紹興十四年三月十四日御製祝文致祭堯國公

理宗咸淳二年致祭堯國公

宋崇寧四年致祭先師堯國公

金章宗明昌五年致祭先師堯國公

元世祖至元二年七月遣集賢學士王德淵以牲

牢庶羞致祭聖堯國公

成宗大德二年九月初二日致祭先師堯國公

仁宗至太四年十月初四日遣資政大夫國子祭

酒劉賡致祭先師堯國公

順帝元統二年六月丁巳朔遣中書省掾鄧昌世

以太牢致祭先師堯國復聖公

皇明永樂七年遣禮部員外郎饒希致祭堯國復聖

公

景泰二年

駕幸太學釋奠先師孔子以陳懋分獻顏子

欽取五十九代主奉祀事嫡孫顏希仁等二人赴京

陪祀賜紵絲衣一套仍賜宴於禮部

景泰六年九月三十日少傅兼太子太傅禮部尚書胡濙題本月二十九日該太監舒良傳奉

聖旨顏子孟子程明道程伊川朱文公禮部行在有司與他整理祠堂有的修理無的蓋造務要時常修理不許損壞春秋猪羊祭祀欽此傳奉到部除欽遵外欲行翰林院撰祭文每設禮生依時陳設掌禮門子四戶常川看守通行欽遵未敢擅便今將祭祀品物開坐上請奉

聖旨是欽此該禮部格字四百九十一號勘合行在有司每遇春秋上下日先期備納送赴主祭官就差合用執事人等於神厨內成造不許怠慢廢弛棄瀆

成化元年

駕幸太學命禮部主事張謹行取六十代孫翰林院五經博士顏議并族人二名赴京陪祀賜紵絲衣一套冠帶仍賜宴於禮部族人各紵絲衣一套

弘治元年

駕幸太學以吏部左侍郎劉宣分獻顏子命禮部主

事李雲行取六十一代孫翰林院五經博士顏公
鉉族人二名顏希恢顏謚赴京陪祀賜紵絲衣一
套冠帶族人各紵絲衣一套仍賜宴於禮部

正德元年

駕幸太學以少傅太子太師吏部尚書華蓋殿大學
士劉健分奠顏子命禮部主事張潛行取翰林院
五經博士顏公鉉族人二名顏公鉞顏公瑤赴京
陪祀賜紵絲衣一套冠帶族人各紵絲衣一套仍
賜宴於禮部

嘉靖元年

駕幸太學命大理寺評事呂祚行取六十二代孫翰
林院五經博士顏重德族人二名顏公鉞顏公真
赴京陪祀賜紵絲衣一套冠帶族人各紵絲衣一
套仍賜宴於禮部

嘉靖十二年三月

駕幸太學以太子太保吏部尚書兼武英殿大學士
李時分奠顏子命行人陳塏行取六十三代孫翰
林院五經博士顏從祖族人二名顏朋顏重宜赴

京陪祀賜紵絲衣一套冠帶族人各紵絲衣一套
仍賜宴於禮部

隆慶元年

駕幸太學以少師兼太子太師吏部尚書建極殿大學士徐階分奠顏子命禮部主事劉繼文行取六十三代孫翰林院五經博士顏肇先族人二名顏重卿顏從麟赴京陪祀賜青織金雲鷲胸背紵絲衣一套冠帶族人各紵絲衣一套仍賜宴於禮部

萬曆四年

駕幸太學以少師兼太子太師吏部尚書中極殿大學士張居正分奠顏子命禮部主事張程行取六十四代孫翰林院五經博士顏嗣慎族人二名顏弘紳顏弘乾赴京陪祀賜青織金雲鷲胸背紵絲衣一套冠帶族人各紵絲衣一套仍賜宴於禮部
章服

宋徽宗崇寧四年從國子司業蔣靖之請詔太常寺看詳聖堯國公所服五禮新儀公合服九旒冕所有逐等名件彩色章數乞從本寺報國子監

從之

金世宗大定十四年國子監啓請大成殿聖像以
堯國公像九章九旒曲阜侯冕七旒服七章

元元統三年五月三日改曲阜侯冕九旒服九章
用山龍華蟲藻火宗彞粉米黼黻

論曰先師崇祀之典自漢以來代有因革而其禮
無少易也至於爵謚章服徽稱備物儼然列辟之
儀尊臨俎豆且上溯杞國下逮諸顏秩在廟廷咸
膺嘉號幾與孔氏埒矣我朝重道右文敦典庸禮

釐正位號定復聖之稱真足以妥靈象德昭示萬
古矣至於臨幸太學賢裔在列法服載錫御宴頻
頒所以寵其後人光其先世者特恩異數超軼尋
常萬萬焉豈非一代之懿典我魯之榮觀哉

授官

魏孝文帝太和九年帝如魯城詔拜顏氏二人爲
官

唐德宗貞元六年十一月南郊赦書節文授四十
一代孫顏五品正員官

文宗以四十三代孫從覽爲殿中侍御史弘式爲同州叅軍

後周太祖廣順二年駕幸曲阜詔顏子之後以四十六代孫涉特授曲阜縣主簿

宋真宗祥符元年駕幸曲阜以堯國公四十八代孫端特授郊社齋郎

仁宗皇祐二年十一月特授顏惟孜將仕郎處州司士叅軍顏似賢守台州司士叅軍

高宗紹興五年以顏邵爲右修職郎顏卓補右迪功郎顏彥補下州文學

六年特授顏師禹右迪功郎

元中統建元之初制以舊典立曲阜廟學遴選師儒充孔顏孟三氏子孫教授正錄各一員訓其子弟比之常例優加擢用其三氏子孫入國學者俾同朝官子例任教官者比常例每減一考入流

中統三年差楊庸充廟學教授欽奉聖旨據孔顏孟之家皆聖賢之後也自兵亂以來徃徃失學甘爲庸鄙朕甚憫焉可令楊庸充教授先生務要嚴

加訓誨精通經術以繼聖賢之業宜令准此

國朝景泰二年詔顏氏宗子世襲五經博士一員遂著爲令

給賜

元泰定五年撥賜田三十頃以供顏氏春秋祭祀

皇明景泰六年清查前元撥賜田三十頃添給賜田二十頃

景泰六年九月顏廟設門子四戶常川看守十二月賜田給佃戶十戶

成化六年十一月撥廟戶七戶以備看守十八年十二月復賜二十五戶以充洒掃

優復

唐玄宗開元十三年詔顏氏子孫並免賦役

宋章宗明昌五年詔先師堯國公後免賦役

元太宗九年詔顏氏子孫奉上絲綿顏色稅石軍役大小差發並行蠲免

十年以顏氏子孫八家係先賢之後蠲免差役世祖至元二年詔顏氏子孫並免賦役

成宗大德二年九月以充國公子孫地稅大小差發盡行除豁不屬州縣所管

皇明洪武元年十二月十九日禮部崔尚書等官於謹身殿西廊下欽奉

聖旨以顏氏惟太宗免差餘枝不免欽此

正統七年五十九代孫希仁奏請

詔令顏氏子孫並免差役

論曰前代優崇聖裔之典備矣或閔其流散而特錫之官或念其放逸而預爲之誨一時遭際千古

稱榮猶其小也豈若我

朝定其官秩錫之土田宗嫡代襲詞林支庶優復徭役而又羣其俊秀教之學宮

朝廷恩澤祖宗流慶日星煥麗海嶽崇深矣爲之後者瞻依宮牆優遊冠佩將何以對揚寵命續承舊德哉讀書由禮其庶幾焉

遺書碑扁附

顏子廟碑

漢篆復聖廟前

退省小像碑

家廟內

隨行小像碑

家廟內

樂亭碑

樂亭內

陋巷故址碑

陋巷井南萬曆八年巡撫趙賢立

詰幼文三卷

顏延之撰

纂要六卷

顏延之撰

顏氏家訓七卷

顏之推撰

筆墨法一卷

顏之推撰

急就章一卷

顏師古著

廬陵集十卷

顏真卿撰

臨川集十卷

顏真卿撰

吳興集十卷

顏真卿撰

韻海鏡源三百六十卷

顏真卿撰

禮儀集十卷

顏真卿撰

魯公文集十五卷

顏真卿撰

多寶佛塔字帖

顏真卿撰

發蘊扁

樂亭額沈教書並立

退省堂扁

博士胤祚立

世恩堂扁

明四胤

戴洵為博

克復軒扁

王事吳謙為

東壁掛床扁

順天胤

府通判譚好善為博

義高夷齊扁

俞事邵以仁為

象賢

復聖扁

御史連標為

卓有祖風扁

御史吳達可為

克肖前人扁

御史趙之翰為博

陋巷志卷之四終

陋巷志卷之五

藝文志上

敘曰汾川遺碣獨號無慙峴岫餘文孤標墮淚君子一德之宣一行之善莫不托之紀述以鏡當世况復聖哀天地之精英立道德之宗範固非一德一行可同日語者哉歷代君臣所為鋪張懿訓揚摧芳規勒諸貞珉鏤之版籍稱浩衍矣迨我

累朝崇獎綸音昭垂日月下逮四方賢哲誦法游覽弘篇大章超出往代可考覽也故有訓命祝告之

文有敘記疏檄之文有詩詞贊銘之文有頌說表誌之文而累葉宗子為縉紳所贈遺亦間有可采者蓋洙泗之間實稱斯文淵藪而陋巷亦附其美焉源流所挹顧不遠哉作藝文志

誥勅

唐玄宗開元二十七年追贈兗公制

門人三千見稱十哲包夫

衆美實越等夷暢元聖之風規發人倫之耳目並宜褒贈以寵賢能其顏子既云亞聖須優其秩追贈兗國公

宋真宗大中祥符二年進封兗國公制

朕乃封禪社昭列

聖之鴻勳崇德報功廣百王之彝制洎言旋於闕里遂躬謁於魯堂瞻河海之姿睟容穆若出洙泗之上高風凜然舉茂典之有加期斯文之益振由是推恩世胄併錫其寵章祇事祠庭廣增其奉邑念性與天道德冠生民議茲玄聖之名異廣嚴師之禮兼朕親製以表崇儒至於四科鉅賢並超五等七十達者俱贈列侯仍命案察分紀遺烈式畫褒揚之旨庶資善誘之方宜令中書樞密院三司兩制丞即待制館閣直館校理分撰贊以聞

元文宗至順二年加封兗國復聖公制

朕惟孔氏之門入聖

人之域顏子一人而已觀其不遷怒不貳過以成復禮之功無伐善無施勞益著為仁之効蓋將不日而化矣惜乎天不假之年也朕緬懷哲人留心聖學將大新於風教故特侈於褒嘉於戲用之則行舍之則藏雖潛德一時之不顯吾見其進未見其止顧聖言百世而彌彰尚服寵光丕隆文治可

至順二年加封顏子父母制

朕惟孔子之道大矣

而得其宗者其惟顏氏乎崇其道而褒封其所自出禮也故列聖以來於孔孟之考妣亦既褒錫之矣朕廸民興學議禮考文爰命有司稽顏氏之先世封之宗國節以壹惠顧豈私於其家哉享祀有嚴永世無極父無繇可贈祀國公謚文裕母齊姜氏追封杞國公夫人謚端獻

順帝元統三年追封顏子夫人制

朕惟顏子侑食於孔聖春秋釋

尊為郡國通祀又有廟於魯其子孫祠祭宜如孔氏家人之禮爵秩固當及其配焉夫德足以相其君子則今之歆於世享以比隆闕里之家不亦宜乎妻宋戴氏可追封克國夫人謚貞素

唐代宗廣德二年贈朝散大夫顏元孫為上柱國

故濠州刺史上柱國顏元孫懿道淳茂宏材特制達傳經成業聚學為文清白著於家風聞望光於遴選久膺敷歷爰寄藩條政有其方績宣其用未登大任遽迫流年九原不作郡邑存其遺愛二子象賢艱難立其名節忠能徇國孝在榮親贈以世官揚其大烈

德宗貞元二年贈顏真卿為司徒詔

君臣之義生錄其功沒厚

其禮况才優匡國忠至滅身朕自興嘆勞於寤寐故光祿大夫守太子太師上柱國魯郡開國公顏真卿器質天資公忠傑出出入四朝堅貞一志屬賊臣撓亂委以存論拘脅累歲死而不撓稽其盛節寔謂猶生朕致貽斯禍慚悼靡及式崇嘉命兼延爾嗣可贈司徒仍賜布帛五百端二子顏頤等制終所司奏超授官秩

文宗授四十三代從覽殿中侍御史等官制

朕每覽國

史見忠烈之臣未嘗不嗟嘆久之思有以報如聞
從覽弘式寔真卿之孫永惟九原既不可作旌其
嗣績諒協典彝考績已深於官途者命列於中臺
官次未齒於縉紳者俾佐於左輔庶使天下再新
義風以四十三代孫從覽為殿中侍御史以弘式
為同州參軍

宋仁宗皇祐二年特授顏惟孜等各司士參軍制

朕每覽唐史至天寶興元間杲卿真卿兄弟陷死
慨然想見其人今其裔孫流落江外朕甚憫焉俾
掾州藩且賦以祿夫忠義之後有以褒錄者其將
以風天下守節之士也可特授惟孜將仕郎處州
司上參軍授似賢守台州司士參軍

高宗建炎其年贈四十七代顏仲昌太子少保制

孔子顏氏皆魯國之望孔子由秦漢以來本支蟬
聯文獻相屬而顏氏僅聞於宋齊之間至唐方顯

今孔氏稍微矣而爾家三世皆有令聞為國光輝
縉紳所慕豈聖賢之澤所行者遠其興也固自有
次第哉具官某言為人師行為世表以學從仕棲
遲一官若子若孫前英後哲究觀垂慶其德可知
爰因登俊之辰俾遂篤親之志加之峻秩振爾遺
芳豈惟世家增譜牒之榮抑使士夫知為善之報

贈四十八代南京國子監說書顏太初為太傅制

朕思鳧繹之賢其流光遺書俱存而其人不及也
雖後世無聞猶當有以褒崇之矧其孫與吾機政
而寵綏之數踰於常典者哉具官某道德文章著
於當代發明古學獨得孟軻之傳疏闢化源聿興
魯國之緒家承厥範再世似之皆因特起之招繼
彼非常之用雖其躬可貴寧湏人爵之榮然以澤
上覃難廢邦彝之舊宜頒官保之命往赫家嗣之
光庶爾名揚令吾厚俗

贈四十九代顏復太師制

昔漢陳寔以道德高世
而其子紀紀子羣皆有

令名信史書之為盛事今吾顏復亦庶幾焉具官
某氣剛而行峻用以立朝言信而文醇見於垂世
早被裕陵之眷晚登延閣之華有子而賢禪吾之
治爰因聞政之始用獎教忠之能繇法從之舊班
正宮師之新秩魏而不昧尚克享之

紹興五年特授顏邵等官職制

勅顏邵等惟爾遠

之節凜如秋霜朕讀舊史想見遺烈故命有司悉
官其後以為天下臣子之勸汝其勉以自力無忝
爾所生顏邵特授右修職郎顏卓補右迪功郎顏
彥補下州文學

紹興六年特授顏師禹右迪功郎詔

勅顏師禹朕

古興懷奉唐室之多賢壯平原之大節英風大節
恨不與之同時遺像儼然迄今猶有生氣訪之遠
裔僅齒齊民特加異恩寵以命秩錄功臣之世朕
無媿於周詩對先人之光爾尚存于家範可特授

右迪功郎

國朝成化二十年封六十一代嫡孫顏公鉉翰林院

世襲五經博士制

勅曰朝廷置五經博士於翰林所以資講讀備顧問
也況有授是職而不任其事者亦必得人焉爾翰
林院五經博士顏公鉉乃顏子六十一代孫生稟
清資世傳賢裔宜膺褒命以貴厥宗是用進階修
職郎錫之勅命以為爾榮爾往懋哉毋忝朕命

弘治十六年封六十二代孫顏重道為中奉大夫

宗人府儀賓配以歸化郡主制

制曰夫婦之道人之大倫婚姻以時禮之所重此古
今之通誼也今命爾顏重道為中奉大夫宗人府

儀賓配以歸化郡主爾當堅持夫道毋寵毋慢永肅其家以稱親親之意恪遵朕言毋怠

封魯府歸化郡主制

制曰古之君者宗室有女必錫封號所以示寵貴也魯王庶長女年已長成特封為歸化郡主以為宗人府儀賓顏重道之配既歸顏氏之門恪修婦道母怠毋驕其於父母生身之恩庶無忝焉欽哉

嘉靖二年封六十三代孫顏從鳳為奉訓大夫宗

人府儀賓配以南絳縣君制

制曰人之大倫莫先於夫婦禮之大節莫重於婚姻此古今之通義也今特命爾顏從鳳為奉訓大夫宗人府儀賓配以南絳縣君爾尚迪德敦禮克慎威儀毋怠毋驕用昭寵命欽哉

南絳縣君制同歸化郡主

碑記

皇明英宗睿皇帝正統六年御製顏廟碑文

朕惟聖賢之生

皆夫以為世道生民計非偶然也雖天處之有不一而同而聖賢求所以仰副天之意者則一心也孔子之道原于天而承於堯舜禹湯文武周公孔子不得位則惓惓於推明斯道立教垂世以副天之意蓋周公而後必有孔子而帝王之道明君臣父子之位正尊卑內外貴賤之辨著雖斯理在人心皆固有之然非得孔子之教則不能以皆明明之有淺深則行之之效亦因之有淺深世道所以有盛衰之不齊也向微孔子之教斯世斯人幾何其不淪於夷狄禽獸此孔子之道所以為天下國家者不可一日而無也三千之徒孔子獨稱顏子好學獨告以帝王為治之大法使孔子居堯舜之位則顏子稷契之倫也聖賢之不得位與年皆天也而使子得為天地立心為生民立命為萬世開太平

有以仰副天之意亦天也君子曰聖人之蘊微顏子殆不可見發聖人之蘊教萬世無窮者顏子也嗟乎孔子其太和元氣顏子其四時之春乎非春何以見太和之發育也曲阜故有孔顏廟祀我皇曾祖太宗文皇帝既新孔廟而親製文書石朕嗣統之七年爰新顏廟有司請文書石并系以詩曰巍巍宣聖道配乾坤化流天下光闡人文睿矣充國剛明純粹蕩蕩聖域深造精詣爰初四勿以復天理以居廣居進退無止大經大本一出於天惟聖誠明顏得其全禮樂之授王佐之期鳴鳥不至聖賢側微作範立教永淑來世報德暨功代謹秩祀東瞻魯邦生之所都神靈在天亦時來居既作新廟爰祇祀事弼祐皇明千萬億歲

武宗毅皇帝正德四年御製顏廟碑文

朕聞孔子之道與天地並

當時惟顏子曾子得其傳其後則有子思孟子而顏子所得深且粹矣彼三子者得之皆有著述以

垂世立教今大學中庸暨七篇之作與六經論語並傳萬世所以續往聖之絕開來世之迷厥功大矣顏子在聖門獨稱好學而終日默然如愚又不幸早死不及立言以垂世蓋其德則信粹矣而立教之功靡得而稱焉雖然孔子之言曰天何言哉四時行焉百物生焉使聖人之道果不在於言乎則幾於晦果在於言乎則幾於淺然則以言為教又不若無言之教之深且粹也故曰發聖人之蘊教萬世無窮者顏子也又不遷怒貳過克復以至卓爾之地示萬世為學之妙旨而四代禮樂立萬世為治之大法則其功孰加焉曲阜故有廟其地即所謂陋巷者歲久圯壞過者興嗟弘治十五年六十一代孫博士公鉉奏乞修治先帝俞之及今告成前為復聖殿西為祀國公殿又為顏樂亭陋巷井亭門堂寢廡湏咸備公鉉又奏乞勒石紀載以示久遠朕乃為述其事於碑以闡顏氏之功而因以著先帝崇儒之德銘曰周衰道墜聖惟孔作有睿惟顏

獨見其卓一瓢陋巷以樂其樂終日之愚萬世之
覺於皇

孝皇齊嚅道真既崇闕里陋巷亦新門牆輪奐籩豆
斯陳頽誰云矢其存則長薦之新廟斯道之光

祭文

唐御製諸州釋奠兗國公祝文

維年月日具官某
敢昭告于先師顏
子爰以仲穡率遵故實敬修釋奠于先聖孔宣父
惟子庶幾具體德冠四科服道聖門實臻壺與謹
以制幣犧齊粢盛庶品式陳明獻從祀配神尚饗

宋徽宗御製遣祭祝文

維年月日皇帝御名謹遣
某官敢昭告于先師兗國
公爰以仲穡率遵故實恭修釋奠于先聖至聖文
宣王惟公好學之樂簞瓢不改絕塵之蹤步趨可
望德行扶世心同禹稷具體而微素王是配謹以
制幣牲齊粢盛庶品式仲常典從祀配神尚饗

徽宗頒降祝文

維年月日皇帝御名謹遣某官敢
昭告于先師兗國公惟公有學術
業未達一間賢冠四科實惟亞聖茲率舊章釋奠
于至聖文宣王謹以制幣牲齊粢盛庶品式陳明
薦從祀配神尚饗

金章宗修廟賜樂服遣祭祝文

維明昌六年歲次
乙卯八月癸丑朔
二十七日巳卯皇帝御名謹遣兗州節度使孫康
敢昭告于兗國公惟公宅廟告成神之式燕肆頒
樂服以煥聲容殊別上儀表章崇教儼惟亞聖作
配先師春秋二時祀祭百世尚饗

章宗國子監釋奠祭文

維年月日具位致祭于先
師亞聖兗國公爰以仲春
上丁釋奠于先聖至聖文宣王惟公德冠四科師
表百世仰止宣聖其殆庶幾配食廟庭時惟舊典
謹以制幣牲齊粢盛庶品式陳明薦配食于神尚
饗

元武宗登極致祭祝文

維至大元年月日皇帝御名謹遣資政大夫國子監

祭酒劉賡敢昭告于亞聖克國公朕初嗣服思闡文教用致祭于大成至聖文宣王惟公德冠四科道同禹稷稽諸祀典寔惟昭配尚饗

武宗遣祭祝文

維至大元年七月丁巳朔越十一日丁卯皇帝御名謹遣集賢學士

嘉議大夫王德淵以銀幣牲牢庶羞之奠敢昭告于克國公惟公省私不愚克已復禮獨冠四科之首不違三月之仁宜配聖庭式嚴禋祀尚饗

仁宗遣祭祝文

維延祐七年歲次庚申五月丁亥皇帝御名謹遣說書王存義致祭

于克國公惟公德冠諸子具體而微克已為仁萬世作則嗣服伊始必祀有嚴尚饗

順帝加封克國復聖公遣祭祝文

維元統二年六月丁巳朔越八

日甲子皇帝御名敬遣中書省掾鄧昌世以太牢庶羞之奠致祭于先師克國復聖公惟公孔門高弟禹稷其徒一瓢陋巷樂與眾殊具體而微達人聖闕今也則亡斯文何式歆茲微禮伏惟尚饗

皇明

太祖高皇帝洪武元年頒降春秋致祭文

具體希聖克已為仁

德明道立光昭千載

成祖文皇帝遣官致祭祝文

維永樂七年歲次己丑二月甲戌朔越二十二

日乙未

皇帝遣禮部員外郎饒希等致祭于克國復聖公今予巡狩北京道經於此謹遣人以牲醴致祭惟神其饗之

御製贊

宋太祖建隆三年太學成御製亞聖充國公贊

值生

衰周爵不及魯一簞藜藿陋巷環堵德冠四科名垂千古沒表萬年遂荒東土

祕書省校書郎梁周翰奉勅撰杞伯顏無繇贊

顯

君子德克克慶延叔世家魯陋巷生淵同師將聖俱謂能賢千載之下清風凜然

尚書刑部郎中賈玘奉勅撰蕭伯顏辛贊

嘉彼子柳誕生

於魯學茂三墳名喧九土蕭伯崇賢亞聖同祖光於簡書垂範終古

翰林院學士丞旨陶穀奉勅撰瑯琊伯顏高贊

升

闕里學有後先橫經之子鼓篋相宣回稱殆庶驕亦齊賢顏氏一宗八人在焉

兵部尚書李清奉勅撰東武伯顏之僕贊

顏氏之門魯國

之紀自匪通儒莫列諸子行茂菴中名參闕里惟帝尚賢俾頌其美

給事中劉載奉勅撰朱虛伯顏噲贊

顏氏之族咸為弟子亞聖

次之升堂者矣學無不通道無不備昔觀賢達今列圖史

尚書工部侍郎艾穎奉勅撰開陽伯顏何贊

惟聖與仁

上行下達入室升堂窮本知末名顯八顏道亞十哲肅肅儀刑克光其列

真宗大中祥符元年同中書門下平章事王旦奉

勅撰充國公贊

賢哉子淵惟仁是好如愚屢空隣幾觀與用舍行藏與聖同道封岱

丁辰益茲榮號

三司給事中丁謂奉勅撰顏無繇進封曲阜侯贊

素王將聖實為我師顏子殆庶趨庭學詩請車無愧陋巷安卑追榮侯服逢此上儀

尚書金部員外郎知制誥周起奉勅撰顏辛進封

陽穀侯贊增封雲嶺詔躡魯堂顯允君子令儀有章英概如挹德音不忘橫亘千古淳風

載揚

尚書戶部郎中龍圖閣待制戚綸奉勅撰顏高進

封雷澤侯贊魯國諸生顏氏為盛達者升堂是亦希聖龍章載加侯服輝映名著遺編

人師往行

太常博士集賢校理張象中奉勅撰顏噲進封濟

陰侯贊回也庶幾諸顏近之洙南受業汶上從師輔翼儒道經營德基俾侯於濟君子攸宜

太常博士同修史館起居注崔遵度奉勅撰顏之

僕進封宛句侯贊洙水悠悠子叔優優及肩等賜升堂並由元后時邁禮成介丘

旌此達者爵為列侯

太常博士直史館劉諧奉勅撰顏何進封堂邑侯

贊木鐸興教英賢輔翼猗歟子冉恫張文德孝友承風詩禮是則千載丁辰始開侯國

高宗紹興十四年御製充國公贊有引朕自睦隣息兵首開

學校教養多士以遂忠良躬幸太學延見諸生濟濟在庭意甚嘉之因作文宣王贊機政餘閒歷取

顏回而下七十二人亦為製贊用廣列聖崇儒右文之聲復知師弟間纓弁森森覃精繹之訓其於

治道必庶幾馬贊曰德行首科顯冠學徒不遷不貳樂道以居食飲甚惡在陋自如宜稱賢哉豈止

不愚

顏無繇贊

人孰無子爾嗣標奇行爲世範學爲人師請車誠非顧匪無私千載之下足以

示慈

顏之僕贊

賢行顏叔親承尼父志銳所期道尊是輔泥在陶鈞木就規矩終縻好爵揚名

東武

顏高贊

瑯琊之伯其爲子驕徽言既彰德音孔昭已觀舞雩同聽齊韶歷千百禩跂想高標

顏噲贊

褒錫朱虛在器輪輿儒室振領聖門曳裾賢業素蘊美才以攄萬世不刊載觀成書

顏辛贊

孰封於蕭寔惟子柳夙飲格言克遵善誘明德惟馨賢業所就以侑於儒傳芳逾茂

理宗紹定三年御製克國公贊

學冠孔門德行科首聞一知十若虛

實有樂道箠瓢不易所守步趨聖人瞳若其後

詔旨榜文

元大德十一年禁約榜

皇帝聖旨裏中書省會驗先欽奉詔書節該孔子之

道垂憲萬世有國家者所當崇奉曲阜林廟上都大都諸路府州縣邑廟學書院照依世祖皇帝聖

旨禁約諸官員使臣軍馬毋得於內安下或聚集理問詞訟褻瀆飲宴工役造作收貯官物其瞻學

地土產業及貢士莊田諸人毋得侵奪本路總管府提舉學校肅政廉訪司宣明教化勉勵學校凡

廟學公事諸人毋得沮壞據合行儒人等事理照依已降聖旨施行欽此除欽遵外照得亞聖克國公

廟宇一體禁約除另行外都省合行出榜曉諭如有違犯之人嚴行治罪

至大四年禁約榜

皇帝聖旨裏中書禮部會驗欽奉詔書節該諭中外百司官吏

人等孔子之道垂憲萬世有國家者所當崇奉曲阜林廟上都大都諸路府州縣邑廟學書院照依世祖皇帝聖旨禁約諸官員使臣軍馬毋得於內安下或聚集理問詞訟褻瀆飲宴工役造作收貯官物其贍學地土產業及貢士莊田諸人毋得侵奪所出錢糧以供春秋二丁朔望祭祀及師生廩膳貧寒老病之士為衆所尊敬者月支米糧優恤瞻養廟宇損壞隨即修完作養後進嚴加訓誨講習道藝務要成材若德行文學高出時輩者有司保舉肅政廉訪司體覆相同以備選用本路總管府提舉儒學肅政廉訪司宣明教化勉勵學校允廟學公事諸人毋得沮壞據合行儒人事理照依已降聖旨施行彼或恃此非理妄行國有常憲寧不知懼宜令准此欽此照得兗州曲阜縣亞聖充國公陋巷故宅理合一體禁約省部合行出榜省諭諸人毋得輒入本廟褻瀆騷擾若有違犯之人所在官司嚴行究治

論曰歷代英君誼辟崇重先師所以揚厲綜述著在琬琰連篇累牘未可一二殫也迨我

列聖稽古右文

龍章聯日月之明

鳳藻貫奎璧之府不惟先世被其褒詡後裔藉其光華而梅曙霞梁松春月牖之中真足以侈富宮牆增輝俎豆矣於乎庶哉

陋巷志卷之五終

本

卷

七

七



